

永平府志卷之四

萊陽宋 琬撰次

府學訓導徐 香叅訂

蕭山張朝琮續纂

盧龍教諭胡仁濟校輯

疆域

漢郡右北平遼西統縣三十幅員及盧龍斗陁之外  
今併二爲一猶不足當漢之一郡故左輔之地恒苦  
單瘠而其人民財用較畿南諸郡不能半之北垣何  
蹙此孫樵之所以致嘆于中唐也茲據版章詳其里  
至蓋不待親履其疆已知是邦之陋于古矣

永平府志

卷之四

永平府 東西廣三百里 南北袤二百五十里 東至

山海關外遼東界一百八十里 西至鐵城坎薊州豐潤

縣界一百三十里 南至樂亭縣綠溝海一百八十里

北至盧龍縣桃林口六十里 東南至昌黎縣赤洋海一

百里 東北至撫寧縣石門寨關一百六十里 西南至

豐潤縣越支場二百里 西北至遷安縣喜峰口關二百

三十里 東至遼東廣寧鎮七百五十里 西至薊州三

百二十里至 京師五百五十里

盧龍縣附郭 東西廣七十里 南北袤八十里 東至

雙望堡撫寧縣界三十五里至縣七十里 西至安河堡  
遷安縣界三十里至豐潤縣一百六十里 南至劉各莊  
灤州界三十里至州四十里 北至劉家營遷安縣界五  
十里 東南至黑石里莊昌黎縣界二十里至縣七十里  
東北至燕河營撫寧縣界五十里 西南至康家莊灤  
州界二十五里 西北至分水嶺遷安縣界二十里至建  
昌營七十里

遷安縣在府西北四十五里 東西廣二百里 南北袤  
七十五里 東至孤莊盧龍縣界三十里至劉家營五十  
永平府志 卷之四 二

五里 西至呂家莊豐潤縣界一百里至遵化縣一百八  
十里 南至赤峰鋪盧龍縣界四十里至灤州七十里  
北至白羊關三十五里至建昌營四十里 東南至分水  
嶺盧龍縣界二十五里至縣四十五里 東北至劉家口  
五十里 西南至甸子鋪灤州界六十里至豐潤縣一百  
四十里 西北至喜峰口一百八十里  
撫寧縣在府城東八十里 東西廣九十五里 南北袤  
九十里 東至山海關九十七里至廣寧中前所一百三  
十二里 西至雙望堡盧龍界三十五里至縣八十里

南至張各莊昌黎縣界二十五里至縣四十里 北至界  
嶺口關七十里 東南至戴家河大海四十里至秦皇島  
七十里 東北至黃土嶺關一百二十里 西南至兩家  
店昌黎縣界五十里 西北至燕河營盧龍縣界五十里  
至遷安縣一百二十里

昌黎縣在府城東南八十里 東西廣九十里 南北袤  
一百二十里 東至裴家堡撫寧縣界三十里至大海七  
十里 西至灤河岸灤州界七十里 南至沙七莊樂亭  
縣界六十里至大海八十里 北至山西社撫寧縣界三

永平府志

卷之四

三

十里至縣四十里 東南至七里海七十五里 東北至  
張家莊撫寧縣界二十里至山海衛一百二十里 西南  
至會里莊樂亭縣界六十里至縣九十里 西北至黑石  
莊盧龍縣界五十里至縣七十里

灤州在府城南四十里 東西廣一百二十四里 南北  
袤一百七十里 東至北釋院昌黎縣界四十里至縣七  
十里 西至板橋舖豐潤縣界一百里至縣一百四十里  
南至馬頭營海一百一十里 北至楊家莊盧龍縣界  
十五里至遷安縣七十里 東南至定流河樂亭縣界六

十里至祥雲島一百六十里 東北至郭家莊盧龍縣界  
十里至縣四十里 西南至越支塲豐潤縣界一百五十  
里 西北至党峪里豐潤縣界一百三十里

樂亭縣在州東南九十里 東西廣五十五里 南北袤

七十五里 東至黃瓜堡昌黎縣界三十五里 西至莊

坨莊灤州界四十里 南至海六十里 北至胡蘆河昌

黎縣界三十里至盧龍縣一百二十里 東南至沙崖莊

昌黎縣界四十里至湯家河集三十五里 東北至博落

莊昌黎縣界三十里至縣九十里 西南至李各莊灤州

永平府志

卷之四

四

界四十里 西北至茨榆莊灤州界四十三里至灤州七  
十里

山海衛在府城東一百七十里 東至遼前屯衛中前所

三十里至奉天八百里 西至撫寧縣一百里至 京

師七百里 南 上海十里 北至義院口關八十里

山川

禹貢言太行恒山至于碣石而漢志言薊南通齊趙勃碣之間一都會也今永平之域正當碣石入海之處後背群山前阻大海可謂冀北之神臯燕東之天府矣舊志謂自塞北界以都山東南入海為凌河西南入海為灤河凌朝于遼東灤朝于遼西而郡介其中左洋右漆判于其前宸龍庭而酌溟渤故昔人為四塞之區形勝之地今之邑里雖多殘敝而山川如故也是以仍其文而潤色之以補水經之未備若

永平府志

卷之四

一五

夫山不在高水不在深或有人以興或無人以廢考慕容石氏攻守之遺跡訪遼金之舊蹟覽徐中山戚少保之所經營亦可以愀然矣

平山在城中以其與南臺山平故名或曰平州之名取此

非也

案平州始因遼東之襄平名後乃移之于此

自東北迤南為府衛堂治府

治內有黑水井有長石端刻牛首形鎮之為其恠从掩之

或曰燕謂水曰龍黑曰盧縣名取此非也

盧龍古塞名自隋移此以名縣

治南又有井在譙樓前將雨則氣出歲旱以此占之頗驗

舊志稱譙樓飛雨是也今堙南臺山在城南三里左為

白陽山右爲孤竹山南臺中峙形如印亦名印山上有龍  
元寺爲郡人游賞之所有井下通灤江右爲龍王坡以祠  
名灤水先經其下今改而西矣又南山腰有白石曰虎頭  
俗以爲漢李將軍射虎處其下灤漆交焉臺北爲鳳頭山  
社以迤東爲試劍石南爲烟墩嶺又二里爲神堂峪又三  
之名里爲鷹窩峪有古洞自峪而青沙嶺折西山半有井爲井  
里峪其屢屢峒爲孤孤嶺嶺南爲范家峪爲大王山有虎  
洞深丈餘東爲大小嶺爲昌黎界有河產金曰淘金河今名  
沙金沿而西南爲筆架山以形名西爲常福山又西爲澗  
永平府志

卷之四

六

子山有三跳澗二山之陰金流入灤自孤孤嶺之北曰孤  
峰在縣東五里又東三里爲東嶺烟墩山又十里爲部落  
嶺唐時居黑水部于此爲大牛山爲黑崖峪東南四里爲  
近陽山爲芝麻山又三里爲陽山首山之陽也山中有大  
空寺多谿谷古陽樂縣在焉有獅子嶺迤東爲黑石坻茄  
子山與昌黎界 城東北里許爲千松嶺爲馬蘭坡爲桃  
花峪嶺東抵分山爲青石峪爲韓莊坨又東爲雙望堡孤  
峰之一舍也迤北十里爲紅山則撫寧界矣 陽山之陰  
河源出焉入沮達漆爲白溝由孤峰東北渡溝五里爲銅

鑛山

俗云掘之得銅鼓

城北二十里曰牛尾嶺上為阿羅卜山前

十里有烟墩東北為石虎山其狀恠西為四家莊不產蝎

有取至者輒死或曰石鎮之也故又曰蝎虎山又十里為

北安山形如鞍下有河焉起白雲日出方散故寺曰白雲

有堡曰松崖又北隴端為鷹嘴山西北為茶葉山箭桿頭

架砲山又西三里屨屨北接黑鐵林又都嶺有岨臨青龍

河人首山硯礪萬片遠視之若亂近視之縱橫有章如人

累而成理柔可鑿先脩郡城取之後脩桃林關橋取石二

歲而罄如崩矣其北為龍王巖多林山正北為亭子嶺狼

永平府志

卷之四

七

望山又北十里為三角山迤西為夢山

一名墓山云高麗王所葬

下為

井里窰後為黑崖子有河焉流入漆有石花嶺曬甲峪又

東為杏兒山梯子山盤龍山折而東為神樹嶺為兵馬峪

北極塞為桃林山

舊志云昔人于此種桃百株成林故名非也蓋境外山勢參差重疊有峯偏產

箭桿桃林故以名關

關西境外半里為瞭望山嶢嶢率隄下有洞深

二十丈廣五六丈高殺于廣四壁五采如繪前有水頗艱

涉刻曰普陀真境關西里許有甌山顛有孔周七丈餘深

可四十丈直洞懸峽下視青龍河如鏡以其象名之關下

城東百步許高三里餘嵌巖青龍旁日照之其色黃映水

如金產黃蘗及金瘡草迤東斥堠相次踰河爲梧桐峪其南十里爲燕河營營東二里蟠而爲臥龍山西五里許山畔遠望如仙人形旁有盤石梳印跡城北八里有石門兩山如壁有龍潭萬曆初戍卒修邊樓閣甃赤祈青許爲立廟其帥未許及視上倏雲而電帥懼許之甃乃立祠其顛南爲羈徃嶺羈旅至此徃徃焉因名踰青龍而西爲

峰山正水谷南爲鹿尾山高峰四圍懸絕谷城西有試劔石二道東有鴿子崖泉及孤窰寨泉西入于青龍有魚井在劉家營北一里滿而不溢魚常出沒有風洞在佛兒峪境外十三山每秋輒晝夜狂號損稼成化三年內官守脩賽之而息正德三年

永平府志

卷之四

立祠今祀之名風王廟是外草地矣谷溝前有泉三湧出如

瀑布併流爲煖泉河至徐流營西南入青龍爲水田 自

南臺之龍王坡西渡漆里許爲南丘涼水河自八里坨下

過之坨西北爲羅家山景峰坨白虹山前爲棗坯又北爲

雙子山南崖下其石黝刻日仰止孤竹長君墓在焉一名長君山又北

爲料馬臺以昔征遼兵過此料馬故名有飲馬河其西爲石研山鐵石

坨又北爲分水嶺水之從西北來者其左由撾角山盤頭

山入于漆右由塔盤山馬鞭山入于灤馬鞭山一名少君

山孤竹少君墓在焉 渡漆西十里曰石梯子是爲灤河



渡中流有龍王島上祠龍王今廢西為行虎山創錢山鈴

狗峪沙井坡又北為洞山古孤竹山也距城西十五里其

椒產金沙半產銀州底產鐵冶其嶠有洞麓有青蓮寺孤

竹國城在其陰而灤匯之或曰即古卑耳溪其陽曰俞兒

山傳稱齊桓公伐山戎過卑耳之溪見神人管仲對以為俞兒者或即此南為周王山距縣

二十里灤水繞之為雪峰島前對釣魚臺為邑人韓御史應庚別墅五

里為灰山下有龍潭上有廟又五里為佛洞山一名窟窟

山為昌黎灤州界洞山西北有白蓮寺一日尼姑山又西曰

赤峰山社以之名前為鷄鷹崖西南為四窰山一名狼窰有寺聖水

永平府志 卷之四 九

源焉有烽火山一名西安安河之源也又為石崖兒連峰數十

里北向為瓦礫山雄峙之有門樓山有裂坡山下有龍潭

旱歲禱雨有應有獨子山距縣二十五里會聖安之流及清涼山

泉為橫河入于灤

水入境灤最大古作濡濡乃官反詳水經註發源于雲州北二舍炭山

齋沸瀆湧四舍至宣府東北又四舍至雲州堡又十舍至

桓州道口北而南入上都開平界土人謂之商都水即上都水

蓋上音訛耳東流七百里為九流河其西北道也自東口外都

山以西有青龍河又西有寬河即豹河產金沙流百里入灤

其鐵門關外分水嶺東者入長河西者匯大池入關出喜  
峰口而會之過潘家口入團亭下與澈合 澈河之源正  
一旁二一日黑水自龍井口外七十里喬家嶺河多石溢  
澗有常發于半嶺由三台關南入一日橫水南自洪山舊  
關嶺西從三道嶺雨溢則深二丈廣倍之晴則廣不過丈  
深尺合關北出口外孤石西入澈其正源自黃崖陰過大  
安山後黃門子二百餘里會橫水而入龍井關合黑水過  
漢兒莊繞釣臺北至桃源莊入灤壽星山陰陽諸水亦入  
之其流洶湧名爲強河東糜石有鐵椿

水經註逆流水亂東北注濡又東南

永平府志

卷之四

十

遼廬龍塞是矣

此亦郡境之上遊也 其次曰恒河源出三屯城

西北景山之陰王四家峪流達城北而東三里會山麓諸  
流廣二丈深數尺至遷安中峰西與灤合過唐山合長河

長河自口外聶門龍鬚三坐入董家口會遊鄉而東下及

青山關營合駐操營南太平寨西二十里而下稔子口

此水

經註之黃雜水也

又口外水湖洞大嶺寨西二里溫泉山會入關

者爲清河

水經註云跋水

及口外乾河川入城于關名蛤螺河夾

過太平寨前長嶺峰合長河東出龜口至官寨下入灤

水經

註東得澗水又會跋水遼今支故城東

此亦郡境之源也 其次漆水源從

境外十八盤北旱落兀素百五十里阿老各泉至蔡家谷  
合下二百三十里為三岔口洋河源自此隔矣又二十里  
土人呼烏填河入桃林關鹿尾山諸流會之南行至峰山  
西至于燕河謂涼河者乃青龍也水經註云玄水逕肥如  
縣故城南而西南右會盧水者沮水也

水經註沮有二沮  
渠曰大沮小沮

水源從境外都山東南龍王廟豹崖之三岔而清河源自  
此隔矣又二十里合寺兒崖三溫泉十里入冷口關冬煖  
夏涼謂之冷池劉家關西之煖河過徐流營北溫泉長流  
可稻白羊河從境外入關下泉湧不竭南繞及石門白道

永平府志

卷之四

十一

諸流至建昌營南而乾若溢則並通青龍是小沮也又六  
里為峰山青龍過而下至孤竹故城之陰中流有石為砥  
柱焉其大沮自古陽樂縣東北陽山出泉曰白溝過大石  
如槽俗謂之驢槽其西南為陽口 城北十二里溫泉為

肥如水曰溫溪今淤

水經註西入玄玄又逕孤竹城北西  
入濡肥如縣南十二里為水之會也

初由上水關入城中行繞出下水關注漆數經水患乃塞  
上關堰水由北城外西行南流入漆 盧龍境內諸水有  
名四絕者一石龜峪泉西流至蓮花池而絕一五里塔泉  
自狼家谷西流至道東而絕一白望泉自雙子山流至白

砂崖青石頭而絕一社臺西峪泉自部落館陽島谷合出與肥如水至壇西而絕惟漆爲經流近城西南行三十里有石磯爲釣臺澈及長清二河合過遷安縣西黃臺山之箕石東會要孤分水四十五里入灤在州東五里其北七里曰橫河源出盧龍縣獨子山及合安河東西山流南入橫山營後北沙岸下東至泡石淀經榆山後劉家莊至偏涼汀而合州西一里爲玉帶河其源自棗豆灣轉尹家墳至府君廟沿沙堤十里至巖山之岬折過巖山而下玉帶西二里爲金魚泉在演武亭東北南流入蓮花池達別故

永平府志

卷之四

七

河別故河在金魚泉西源自州西北二里廟兒山東經栢樹莊高家莊演武亭西堰合玉帶及州南五里河五里河源自劉官營而東並經巖山石橋入灤委蛇而南如龍翔五十里達岳婆港樂亭界東岐爲二左曰胡盧河右曰定流河夾縣而南六十里至馬頭營又二十里爲綠洋溝入

海

見樂亭志

遷安 黃臺山在縣西南三里其狀其色如之灤經其下春可枉其背側有箕石名之曰聚米水漲不沒驗歲豐凶岳孤山在縣東北三里獨峙下爲三里河源自城北小

寨平原而經其麓新寨莊南而西至盧溝湫合灤盛夏愈  
冷嚴冬不冰有石橋東北抵建昌諸邊南達十里橋通府  
又南爲次君山一名團子山距縣十八里遠望團如釜而秀孤

竹次君墓焉二十里爲分水嶺又十里爲盧龍界左漆而  
右灤蓋左環分水右據尖山灤經西南團峙其東南迤北  
之山川四固邑爲攸聚矣 自黃臺南十餘里入瓜村社

爲龍泉山其半有泉清冽曰聖泉以禱雨有應寺以之名亦有

蟒洞遺跡其南爲嵐山其椒有洞雖晴如蒸南爲秦王頂  
爲羊角雙山沙河經之澗有石磯曰釣臺至野鷄坨與盧

永平府志

卷之四

十三

龍馬鞭山界乃灤之陰沙之陽也 自黃臺渡灤而西爲

五里山高十餘丈有石高廣三丈就石爲壁鑿佛十里爲

佛兒峪山西爲栖峯北爲芝蔴嶺有寺西南二十五里爲

松汀山高六十餘丈巉巖壁立沙河中深廣難度腰有三

洞土人結筏縛梯而上避兵每洞可容二百人涉河而西

自安口而麥蕎又西爲香山其南爲沙河驛路香山而西

爲岳野山秀偉有勝水寺古井一新井二前有龍虎二峯

後有蟲蛇諸峪西過七家嶺於狗峪連峯二十里爲福山

距縣六十餘里爲灤州界 自黃臺渡灤至橫山西沙石

合流之陽距縣三十五里爲貫頭山連屬如珠巉巖蒼翠常蒙雲霧其腰多竇黑鷹巢之有靈泉寺香爐崖又西爲平頂山上有地一頃餘可容萬人南爲四角山佛院山牛心山孤山又西爲挾車石鼓諸嶺其西嶺亘十里巍然名黃山在縣西五十里昔人于此避兵灰窯峪舊關寨遺址也其石黃而理密灰白如粉采色炫目一爲糕乾峪其色片如之前爲從照峪左爲長峯蓮池山有正覺院泉冽冬溫夏涼出而西行經崖兒口爲還鄉河源黃山之右爲三茅山迤西爲雙頂山有無梁殿下爲鳴盆澗盆乃石凹上永平府志

卷之四

十四

石色如之有泉清冽冬草青花白雖嚴栗不槁爲石河之源二河會流不入灤 岳孤山西北二十里爲于家坎左爲降龍山一名堡子中峰拔豎左右如伏迤北爲長山塔子山臨邊迤南爲蟒山古傳有蟒昔人于東穴射之且產鐵治西南三里許有陂陀迤遲自蟒山來其上則有蘭若院山下村遂因以名又南爲牛山在岳孤東半舍有石狀之南爲野狐峪有水東入漆北踰橫嶺十里爲曬甲山或云漢李廣曬甲於此或云唐王無徵焉迤東爲青山巖北爲河架山其北白羊口河流入漆涉東爲瞭蟒山有紅白

二坡紅在冷口關西南灰窯坡下白在口外三里圻人取之坡間有溫泉寺有池三建昌內官繕以石柱木欄居人常浴之嘉靖末以邊警戒民出境荒廢其在冷口河東岸者冬煖夏涼又東爲鷄林山在徐流口關無蝎其營西爲烽口山山外水流入達薄過莊入青龍河戚總理開水田處也過此爲萬軍山在縣東三十里頂有土城三百餘步下有三跳澗又爲帳房嶺或曰安喜廢城遠所置者

自遼置金

因之史未嘗紀其遷但以遼志云在平州西北六十里今縣去府四十里遂以舊城在此其麓有玩清寺桃林口冷口流合焉此白羊之南也涉北爲蓮塔山在

縣北三十里高三十丈周三之以狀名又北爲平林鎮志  
言遼蕭后命楊買驢所築而金以爲建昌鎮離今營西南  
八里有獨石高丈四尺周丈一尺頂上浮石似磨名磨兔  
崖又十里爲大小荆子峪山以所產名又六里爲東鰲山  
北爲石門子關其門天成山高七十五丈半坡有風洞周  
五丈深殺一歷年風損稼用石塞之不足二丈每年夏季  
望日賽之乃止右三里爲白道子窪其巔石壁下有泉三  
眼河水源焉關外東山下有石崖二洞泉湧達河如雙練  
平石爲臺可以流觴南半里河中珠山獨立如砥柱又里  
永平府志

卷之四

六

許爲寶寧寺有古松蔭畝許爲松棚寺關西八里爲白羊  
口 關外百里爲鄰山高三十里周倍之積雪其巔盛夏  
不消直北如屏其水中分東歸渝西歸灤而入海乃盧龍  
之鎮也關內半舍東至五重安北至新開嶺西有三角山  
亦名佛面山在縣北七十里高峻人跡罕至其峰多圓有  
巨石遠望如之又名達摩谷其北爲槽子嶺石垣中平七  
尺如槽西十二里爲拷佬山高接洪谷關城上有大洞深  
二十餘丈面尖山有雲巖寺關東二里爲馬城山百餘丈  
如墻迤北多青白石可碑西三里爲韭葉山亦崎峭又西



五里爲擦崖子關有琵琶洞爲狐穴西南半舍爲金山上  
有寺以金山名下臨灤晚霞映之如浮丹其東鑿山爲路以通

爲蛇山其北爲瞭高山南十里爲三嶺嶺北爲五重安其  
東北爲蛤螺河下入于灤 自金山涉南爲藏龍山距縣

五十里在尖山北其後爲偏崖渡灤經之土人呼採樹嶺  
迤北爲龜口山在羅家屯南八里灤自西繞東兩阜雄峙

而當之參差惟石夾爲溪潭水中石上有龜龍影謂之龜  
龍津 自龜龍津北行偏崖之東北爲太平社三里爲林

頭上有擣鼓臺昔人聚兵于此又二里爲梁家山玉泉山  
永平府志

卷之四

爲太平山在縣西北六十里爲太平營南北兩山去營二  
里許左川右河憑高可眺北五里峭壁清河繞之有清泉  
寺崖下二磯高迥河中可榭可橋魚所聚也西五里爲銀  
鑛山與鷄尾崖對高峻谷口僅容兩馬北爲華嚴寺山西  
北十里爲小黑山爲水谷寺山又五里爲大黑山其石色  
黑層嶂參差大黑方石心空上有手印傳爲攻書臺營北  
白雲山有寺在城子嶺關東西爲伏虎山迤北環以湖又  
西二十里峭壁爲寺兒谷山東二里爲榆木嶺關關南二  
里爲瓜山曲盤而入四壁皆山崎嶇旋轉凡二舍餘總名

之曰十八盤行人稀得見日盤南爲芹菜嶺 自龜龍津  
北行偏崖之西北爲長嶺社距縣五十里南北有二南爲  
清泉寺下有清水峪清河源于口北城子嶺經峰東入灤  
又西北十里爲九山下有九泉匯而入于灤或曰以山有  
九疊名之其旁有袁達洞如團蓋可容數百人又半舍亦  
名之層澗有古刹在萬松中長河合于前北爲米峪口范  
山南爲稔子口渡口西三里爲障樓昔人避兵處迤東爲  
長河源自口北董家口入灤爲亭林又西五里爲獾口峪  
黃家山其怪石危立爲唐山西南連嶂十里爲望龍岡爲  
永平府志

卷之四

六

老君禪山有寺臨灤渡有黃崖產銀砂爲鑛洞 石盆山  
距灤陽營三屯城東北各二十五里在芹菜南盤三十餘  
里多怪石臨灤頂有大石盆泉湧上出夏涼冬不冰旁有  
石洞口勝水其對有鸚鵡巖其陰爲青山關營青山在縣  
北三舍又二舍至喜峯環灤而北別一洞天也北爲小嶺  
臥龍岡有寺有泉西入灤又西爲大蟲長河諸峪灤經之  
踰河而西爲大小水峪尖山橫嶺爲太子嶺俗云秦扶藪  
所登也又西爲三十二窟矣 大青山關營在太平寨西  
六十里距縣西北九十里迤西有橫山北爲董家口關踰

河西轉有石坎可梁北三里許兩山奇崿夾溪如錦步障  
爲遊鄉山又西五里爲勝嶺其水東西分至龜口始合嶺  
西爲女兒山峻拔又西爲鐵門關外有大潭喜峰水之源  
也 鐵門關距關二里在李家谷左其南半舍爲窟窟山  
頂明如月其高與鐵門山齊洞高十丈大小二孔廣如高  
之半奇石萬狀內周十餘里小洞十數極巔大洞紅嘴鴉  
之巢也轉而東其懸石皆五色又東崖向北前坡鼓以八  
音莫不應焉出洞口西十里爲西山嶺卽喜峰古松亭山  
也其峰削下腰有洞高二丈餘深倍之有墳在岡上臨關

永平府志

卷之四

九

口乃古夷王墓

元許有壬紀事爲父子久離相逢喜極而死  
葬焉曾掘之風雨大作而止今戌者歲

祀之其稱喜峯者  
蓋自永樂之後矣

南行二十里爲小喜峯亦巖業兩石並

立土人謂公婆兒今公折半矣西南三里爲老子谷下爲  
團亭寨其東三里橫截如劈不可越下片石長十丈出于  
灤而山因以片石名隔灤而西爲樓子山其巔石遠觀如  
之又名猴兒山其南十里爲屏山 澤高山在縣西北百  
八十里袤五十里高七八里盤折而上土名三十二窟道

郭造卿曰余更名之澤高山遠之澤州有神山九宮  
石子巔在灤激間今不可知而此適其位且最高云其陰

爲松茅峪珠山有圓覺寺臨灤西崖爲朝宗巖桃園適灤

陽營者渡此其陽爲大小尖山並如堦墜大者尊巖小者  
崎曲相次小之支爲釣臺澈河至此十一曲而匯焉大之  
支爲松臺蓮心館其旁爲龍井山澈石崖絕頂爲烽火臺  
左有磯瞰中流有石壩黃龍宮之其出如蝦而波獨高幾  
寸以起土人候爲福德嘉靖戊戌去其後邊數有警萬曆  
壬午復見兩崖如門其故關也今關移出十里許在鷄冠  
之麓有垂綸臺出關十里爲柞子庵其西觀音巖大小二  
洞上有戍樓 壽星山在縣西北百七十里爲澈之陰去  
漢莊五里許舊名勒馬巔石高二丈屹立名將軍戚總理  
永平府志

卷之四

三

改之東爲五老臺蓮花峰西有石壁諸窟中窺其團獨岬  
曰平臺昔人避兵寨也其南半舍爲六寶山以產名之居  
人皆鑛徒也乃太平三屯二營適中焉峪西爲鳳翅山中  
峰山恒河經其西二十里合灤 景山舊有二名南爲明  
北爲陰在縣西北百二十里高八里許矗立雲表將雨其  
巔先雲其陰爲鹿兒嶺嶺東爲三屯鎮城嘉靖之元總兵  
馬永建祠其巔以奉諸葛忠武岳武穆文信國爲三忠祠  
取景行之義而更名焉亦曰景忠山又立碧霞元君祠東  
自山海西至 京師進香者如市後乃委官收稅以充撫

賞云恒河在鹿兒嶺東三里合城北獅子峪諸流至四家  
峪入灤北有壘翠峰唐王臺塔兒山月城山接界于洪山  
口其外爲長城嶺諸山近川自鹿兒嶺西流入遵化 自  
龜龍津南行採樹嶺西五里爲將軍山有二將軍墓有洞  
又西爲柳河石塘諸峪亘十里爲釣臺臨灤可容百人祀  
龍其上中有孤石高三五丈極深漁人集之山下爲滴水  
崖無泉而消不絕崖西十五里危峯頂爲烽堠山迤北有  
石插灤爲刀兒崖崖後十里爲牽馬嶺陡峻必步自邊用  
車改大道而人跡稀矣嶺隅爲荆子山有消流西北合灤  
永平府志

卷之四

三

又西十里踰松崖爲寧山北爲白龍山臨灤有浮圖其西  
爲井山有井下通灤南爲三稜山玉帶山又南爲救駕嶺  
駱駝峪二郎坨爲觀音巖其北高峯二十里爲三帶山楊  
老山爲栢山以產名有寺爲香羅山恒水經其北環景山  
東南麓焉其西南二十里爲五峯高里餘群山環接左右  
龍虎二峯下有唐寺前有天橋川漲常高數尺至橋必流  
其下南爲豐潤要帶山其流入還鄉河自太平社而西爲  
臨河社凡三區自北而南爲遵化豐潤界

灤河入自團亭諸川會之南流至縣城下轉而東至盧龍

縣南合于漆見盧龍志 境內出者曰沙河在縣西北四十里源

出赤嶺赤崖寺經好樹屯東流至松谷莊石河在縣西三

十里源出血石嶺以多沙石而名合沙河過七家嶺至院

頭與王家河合至新莊草束子屯下合衆潦經沙河驛至

灤州西四十里海子崖莊長灣入之大水泊在州西南七

十里發源于土山任郎莊經赤堠社漢王渠南播小水泊

經孫家溝永登屯入之經柳林莊自宜安社迤邐而南至

北柳河社經豐潤越支社界轉東南達于海凡沙所經民

患之昔之通漕者因為沙壅而廢矣 還鄉河在縣西北

永平府志 卷之四

三

七十里發源蠶莊南一里西由弔水院崖兒口達豐潤城

北松林莊至城西塔兒灣迤邐向西南入海 館水出縣

西南三十里之館山由灤州入豐潤陡河見灤州志

撫寧 兔耳山在縣西七里雙尖似之絕頂有潭雲常罩

之微徑而登可容數萬人南為黑鷹平房二峪聳秀溪茂

多果實為石佛峪又南為雙頂山銀銅峪以產名距縣四

十里其陰為松流河源石佛峪之東南為大崇峪一名大蟲峪

其石自片或厚數寸或盈尺可碾可磨可條可版利于用

八里為雙龍池旁祀龍王十里為對嘴崖山寨險峻二崖

八里為雙龍池旁祀龍王十里為對嘴崖山寨險峻二崖

相對或曰確以其形似云又有鵠峙兩峰者爲馮家山近  
大海爲昌黎界 紫荆山在縣南二里臨洋河有立石如  
婦人望夫狀今稱紫荆石婆魏書之新婦山也涉洋而南  
爲黃家山 兔耳之北爲尖峰峻拔有洞昔有修煉者居  
之其後爲盧峯其東爲鐸山一名滑子山爲郵舍松流河  
逆而環之至曹西莊入洋故曰綠灣灣中蛙不鳴自尖峯踰河  
而南爲七王山相傳遼七王駐兵此山唐太宗圍遼之謬也太宗征遼過之奚王迎服而從征焉今  
雲霧恒罩之隱隱見旂旗蓋山之靈則然昔帥或有稱王者耳其北十里爲背陰山接盧  
龍界背陰而北岐爲熊山先年嘗產熊其陽白塔莊產金

永平府志

卷之四

三

北爲巖家山有水入松流河迤西爲盧龍之紅山熊山東  
爲楸子峪鐵佛頂巖口山北爲鷓崖距縣西北三十里怪  
石直立旁峯平漫其東北面若刀削因築寨以避兵周里  
餘在臺頭駐操營北營南刀崖頂平可容千餘人惟北一  
微徑匹夫荷戈守而莫能攻矣 天馬山東北十里流墻  
峪有青石佛三尊名青石山其北爲臺頭營西五里爲瀛  
水崖高千丈爲麻塔谷山腰有石洞南向深二丈餘廣半  
之其中東北泉不盈瓢久雨盛暑如常崖西五里爲半壁  
山如刀削有避兵寨迤北爲鷓鴣峪拷栳山距縣西北五

十里東勝寨旁又二十里爲將臺山連界嶺開亦高峻前  
在青山河西爲避兵處 天馬之東爲八角山爲九花崖  
桃兒峪頂有洞如盤泉不盈瓢十人飲之不竭百人亦然  
名聖水一名茶芽山又有羊角山在縣東北三十里亦高  
峻有避兵城可容三四百人士名南寨又五里爲塔子山  
平市莊頂有旣醜浮圖高二丈餘名女兒塔隆慶之元賊  
入羅漢洞殺掠萬計此千餘人獨全故因壘周里以扼莊  
衝西南五里爲偏頂山高插雲霄腰平漫半頃可耕號平  
臺避者二千餘人亦免並東方保障也北爲青陽山上有

永平府志

卷之四

二十六

塔後有寺其下澗水清漣晴明至絕頂南海東關如在足  
下東過擲角山峯尖秀出者爲孤石峪有溫泉可愈疾南  
流爲河一名和尚山有窟名風洞歲爲災居民時祭焉又  
東高廣倍出群山而尖頂分三四爲前裂頭山其間爲水  
峪迤東十餘里七峯相連極東而尖爲後裂頭山居邊外  
其前裂之前東爲平山南十里爲營西爲石門山橫山踰  
師子河而東二十五里爲臨渝山漢縣以名峰巒崛起十  
餘仞舊爲關隘崖高百丈一名馬頭坡東北三十里至峰  
山嶺張果老河源也出于溫泉堡東南三十里至潞河爲



山東西峙又東爲望海岡迤西爲牛頭崖營營西北有  
瀟井百餘家共之隨波而瀟大旱亦然營西南爲連峯山  
一名蓮蓬山渝水自其西入海東有雙峯如對話者曰話  
石又十五里半入海爲金山嘴又東爲牛頭崖其形似之  
先年有倭浮海至此設官軍戍焉踰湯河而東爲秦皇島  
入海一里傳爲始皇駐蹕處上有寺迤北爲孤山去海四  
里屹然面海如砥柱然石河自東入海東北六里達山海  
西關矣 角山在山海關北六里有二山後角山去前二  
十里而相等其山自居庸古北喜峯諸山而東延亘千餘  
永平府志

卷之四

五

里至是聳峙面海而長城枕之爲薊遼二鎮界其北爲三  
巒山多猿猴物產苦之下有寺北爲蟠桃峪在兩角之衝  
爲玄陽洞孤峯峭拔懸崖空洞倒蘸深潭樵徑紆引下有  
寺其間爲雙松巖石河徑其下東五里爲圍春山若環堵

蕭僉事築別墅其中有圍  
春莊壘香亭陰秀亭今廢

其西爲攔馬山壁立馬不能行

戍遼者多鼠竄此關西八里爲尖山下有龍潭溪冽北五  
里爲五泉山有泉五北入石河爲鴨子河又東北爲玉王  
山產銀冶下突泉爲沙河源又爲寺兒山其北爲石門寨  
石門山凡鴨子河西水峪東皆是也在蟠桃峪東北自

平林山而東爲黃土嶺爲六羅山上莊坨產煤西爲椒果山有長城寺前爲傍水崖內平外險賊嘗陷焉

隆慶元年黃台吉衆

由此出戚南塘設伏殲敵于此我兵于雲霧中見關帝像事平建祠祀之立石紀其事

又西爲石嶺

產煤佳于上莊嶺北爲房山高峻可避兵爲溥塘山內空洞深十餘丈水渟爲淵南爲團雲山亦曰雲蒙山又南爲黑山產煤又南爲平山環石門山皆峽舊志云漢公孫瓚敗烏桓處湯石二河上游中間阨塞之區也寨至山海關四十里關南十里爲懈兒海口東六里爲歡喜嶺又曰恹惶嶺志言戍遠者去而悲還而喜也關東八里海中特出

永平府志

卷之四

三

爲孟姜女墳其旁有望夫石關西南二十五里海中有秦皇島蓋自榆關及山海環石門爲平營一隩區矣 凡邊內盤薄于外黃崖山爲大白臺頭營東一舍爲星星峪又北二十里爲是山在縣東北五十里高可十里崎嶇其半有舍身崖深三四十丈崖旁石壁上鑿佛像三尊其石徑僅容足爲望海寺寺東半里有二石穴冬夏不涸名雙龍眼泉又東半里崖半有洞有人棲立其中凡去三里連有三洞高二尋廣仞餘昔有馬和尚居之洞以名下而東有池不竭名卧龍灘西寺曰金峯南寺曰雲崖下爲鶉鴒堂

山之陰有寨西半舍爲中桑堡其雲蒙山及花坡在口外  
縣東北六十里有牡丹坡因以名三石洞在坡西洞高二  
仞廣半之深二尋小者在其椒高仞廣尋峻不能登二洞  
東旁有水簾泉傾于石龜背下匯爲河將入關有溝石下  
故爲蛟窟云有黃青白黃者歲後不見惟青白嘗出繞水  
門柱居人狎之萬曆初蛟徙其窟沙壅之或云沙下溪不  
測與龜背洞通也又西爲青山關外爲香爐山巔有大石  
狀之在臺頭雙嶺西界嶺將臺之北 凡邊外盤薄于內  
茶盆山爲大在縣東北百里外石門之陰也其峯萬仞窄  
永平府志

卷之四

三

深環碧林壑幽靚昔爲勝游今在蒿子峪外半舍上有無  
梁殿佛舍東北有巖人至半常聞下流水聲至其下無之  
用竹于罅引而出名曰勝水必攀緣乃登迤西其巔尤陜  
則置木梯五架其開山僧乃遼天慶間俗呼背牛頂以出  
後有石如牛故名鑿石爲洞高尋廣丈爲井深廣以丈僧  
佛海誅茅其上聚徒居焉復鑿井四其泉入夏愈清而旨  
正德己卯賊入東境惟此山稱難犯可以睠遠徒衆晝夜  
偵賊聞之巡撫都御史乃給以劄命居人護山塲而蓋殿  
加修飾焉佛海化衆立浮屠高廣二丈五尺八角方圓繫

鈴名德勝望海庵其下有虎穴龍潭戚總理廓邊虎徙去  
潭溪黝不可測叅將林桐鑄石誌云背牛頂山後有鶯窩  
洞內有泉羽人居之自星星峪西北至中桑堡之黑石里  
天慶寺碑稱茶盆迤西則皆馬司嶺派乃遼志箭筈山也  
黃崖其肩臂今邊關嶺名此第其一足焉耳

大青山水自關外入一片石河自小河口關外入西行于  
堡西而黃土嶺河東南會之廟山口河堡北合之各川自  
一片石門出遼東鐵廠堡南五里由老君屯東芝蔴灣入  
海此水經註之高平川水自西北而東注之也 石河在

永平府志

卷之四

天

石門之東源出口外龍潭城子谷過大小毛山及柳河諸  
堡而西爲石門下山海南關外由八里鋪俗作鋪而西入關

城右三里許紅花店間自南關入者會之其石叢積塞裳  
可涉秋潦漲急險不可厲矣柳罐西有溫泉東南而蓋子  
而花場與東拿子谷合其源出黑崖子入由捧槌崖東下  
爲鴨子河凡四道會于石河此水經註清水入九過口而  
注海也 淪河源出古瑞州自平臺桃兒谷及駙馬寨前

水爲獅子河此漢書淪水首受白狼東入塞水又有侯水  
北入淪其槩矣水經註巡山逕之是也 溫河卽張果老

河上游源出孤石峪溫泉堡裂頭之派也有二西爲湯河東爲張果老河下而總入于海此水經註之方城川及木完水也 洋河源出星星峪自東北口外一舍馬司嶺泉西南二十里至龍潭周二十丈其深不測入四十里張家莊夾山而西入之中桑水亦自馬司嶺西入口十里至王家莊三十里入之箭桿水自口外花果山水簾洞入關西夾山四里至楊家莊南三十里入之此皆漢地理志龍鮮水也界嶺河源出口外別陀山十八盤下而西至紅草溝東長流入團山五里又三十五里入西合繞臺頭營南青永永府志

卷之四

五

山關內黑谷嶺水合關泉至周各莊入而東勝寨北諸水至秋潦爲河繞乾澗東由鹿角峪二十里入松流河北合于綠灣此皆水經註封大川水也 海自直沽新橋赤洋而東勢漸北如人身之支轉折抵遠境今復南岸卽登萊二府界環抱其中亦海窟之一域也據水經註諸水入新河新河帶至濡水入鮑丘今灤西尚有遺跡而灤東則無跡可求矣豈其苞淪乎海者此數百里而然哉昔時海運尚通山東錢鈔花布由海道給遠今運廢開城南十里店舍及泊舟遺跡尚存自樂亭東濱海泉鹹開城中凡井七

十餘泉惟衛學射圃前二井甘滑號曰雙文井城東一里大道旁出石間僅勺脉長而甘關內汲焉

昌黎 碣石自禹貢山海經及漢魏地理志水經註皆稱驪城而郭璞謂驪城海邊山漢地理志註爲大碣石在縣東南水經註以碣石在黎縣王莽之邊武黎縣併屬臨渝王莽爲憑德大碣石山在驪城縣西南王莽改爲碣石則跨二郡三邑今昌黎乃古三邑地其爲碣石自昌黎北撫寧南皆是矣而茲爲大碣石今人第因天橋拄指之云

仙人臺碣石之頂也在縣治北十里自太行分派東來惟永平府志

卷之四

三

此與裂頭景山角山兜耳爲平營五頂其臺崇廣一巨石形如甕鼓絕壁萬仞上凌霄漢巉巖累石莫可名詰回視群峯如兒孫列侍臺前爲步欄祀玉皇天妃黃冠居之關垣如帶大海爲沼縣城彈丸耳頂後孤聳可棲曰韓仙洞前臺有奕石足跡皆天成北臺石龕前亦有之乃後人模倣而爲者由西北而下直臺之北爲觀音山有前後二峰其巖有鑛洞人莫能知語云前觀音後後觀音前葦草茂處是也然竟不知所在山西爲果老院有石槽石碾遺址及古井傳爲遺跡西北爲上水巖休糧寺天池冬夏不涸

前爲井兒峪仙化寺松栢若海濤其頂其尖如盤谷群  
環之頂石爲天橋柱人罕能至史言秦始皇漢武帝魏文  
成齊文宣唐太宗並登此山今無可見惟石壁鏡文五十  
四爲石花所封僅存明昌幾年五字乃金章宗年號耳西  
爲道者山以有道者寺故名其下有雲峰寺寺西爲鳳凰  
山距縣十八里修如鳳首而翼翥上多奇花名穿花鳳有  
堡險可避兵爲虎皮山亦名虎牢關東爲觀音洞中峰山  
有寺迤西北十里許爲冠帶頂中峰孤秀其頂有淨影池  
池中見異人幻影爲孤山並自東徂西爲仙臺頂派也臺  
永平府志

卷之四

三

前拱向峰巒疊出迤右爲崖秀石林立長列尖削如鋸齒  
迤東有嶺前爲群峰蔽虧登者至此出中雷稍可四望名  
歡喜嶺直南而下亂石交牙爲關王鼻兩山夾峽翳不見  
日長谿滑路漫湛陰陰前爲黑鶯峪有洗心泉飛千尺冬  
夏不竭稍下爲龍潭鑿石爲燈凡百一級

隆慶三年爲龍  
所毀僅存其半

以達于洞洞在絕壁高可丈深三丈許潭寬丈許兩壁石  
立深丈許有龍頭噴水外券門瀑布飛空如練四時出雲  
旱禱有應下二丈許上有懸石如心日山心洞西爲浩然  
臺東爲聖海亭又東有瀑布數處稍下爲龍潭寺又東爲

西五峰峰如筆架秀麗迥出爲圓通寺有韓文公祠祠後有泉三右前爲劉九洞又東爲東五峰懸巖有洞深廣數丈中有清泉外流味甚甘冽上有古栢如虬環列十峰峭如玉笋又有一峰宛如浮圖名藥師塔有觀瀾石旁若樹屏可望大海仙臺之麓爲寶峰寺昔井七十有二今存十數花木森然寺前爲寶峰臺臺左爲香山峰峰後有庵果木繁嘉澗水直噴其左一里入地五里至龜石橋復出爲地橋乃縣北八里矣蓋碣石環縣爲宸觀音鋸齒其左右肩五峰筆峰其左右臂也 五峰後爲達摩峰左有石乳

旱不涸冬不冰其前爲三角山有城最平漫一名平頂峪爲羅漢山上有石如僧首包亦名飛蓋爲桃花山上有洞有慰心臺其下石壁有泉湧出口桃源爲饅頭山東畔有千佛影西對板石山元人張勗題蓬萊第一關往來諸山必繇焉南爲白石山並在香山前藥局山連之傳有異人採藥于此秀石錯峙東有山如螺者三土人建山神廟于上鋸齒之右爲駕鰲山又西爲筆峰山直插雲端亦名尖山下有玉硯池芰荷幽茂有二洞上名拴馬洞下名水洞鋸齒之前爲扳石山石如板利用爲龜蓋山壁上有仙影



爲卧牛山路駝山以石名爲衡山石門山筆峰之前曰牛  
山白廟山楸皮山柳峪其後下爲紫草峪散坡峪長峪石  
窟中有羅漢像一名石佛洞深二丈元時有僧修鍊者居  
之歷耍兒牛兒諸峪凡一舍餘抵撫寧界爲昌黎西北境  
登者之塗由藥局白石桃花經石窟牛兒遵宿莽而至寶  
峰乃躡百一級徑僅容足捫蘿面巖不敢下視稍翻則墮  
矣旣陟龍潭轉而東五峰下地井而至歡喜嶺乃躡而上  
行者喘汗觀者怖恐復前級下益難多由西北從頂後歷  
觀諸勝繞筆峰前而歸此爲舊路今則自寶峯而上從中  
永平府志

卷之四

三

庵之西歷十八盤自弔砂口路最險窄三里許爲南天門  
又上里許稍轉而西至仙人臺大抵若化人域蹤多倬詭  
路多岐阻自一靈窟也 縣東二里曰東山亦名圍山畔  
有危石如房如盤一人及千人搖之動而不可移南向有  
石佛影縣東四里曰野湖山北八里曰兩山在諸啞前以  
路旁二石名迤北二里爲行虎山狀如之又十里爲樵夫  
山孤立其畔二石窟容數百人可避兵又十里爲海眼山  
石洞澄徹潮汐應候左右巖十餘里曰連峯山撫寧表也  
縣西三十里曰安山有避兵堡飲馬河經其下東入于

海又西十里過楊文陀爲團山又西十里許爲龍山上有塔下有蓮池百餘畝今改爲靜安社去山十數里舊志誤以此爲昌黎柳城山又二十五里爲五山絕頂四顧邊海在日有遺壘雄峙灤江縣志以爲唐太宗駐蹕山非也郭案史帝自命名者在遼東安市城著作佐郎敬璠謂鑿與不復東是矣帝征高麗至孟冬班師聞太子奉迎從飛騎馳入渝關太子迎于道左相見爲歡故因在道左登紀功德耳未嘗游幸至海隅茲駐蹕之名或魏文成改樂游山築壇記行于海濱而誤以爲唐太宗乎閣黎洞一名臨河崖壁立千仞巖

分八字洞在其腰而逼深潭由小徑匍匐入昏黑穿而直上丈餘四壁如牖如樓閣爽塏可容二百人其深不測小

永平府志

卷之四

三

者十餘穴有以金鰲名有以水洞名舊志自遼金來居民避兵于此業紡績名織羅洞者皆音之訛也又南爲磨山其石可材如人如獸如礮如磴之類爲白石店下臨灤河團山北五里許爲書院山兩岡合抱傳爲夷齊讀書處腰有洞有寺後有石巖滴水名洗心泉有井口窄腹侈觸處爲泉名龍泉院東爲長山駱駝山墳山茶葉山院北爲荆山拉虎山東南二峯下側灤河其後孤石直秀雄峙于澣日釣魚臺面水環山如堵曰安樂峪北接盧龍西近灤州爲昌黎西境

其水山海經繩水出碣石漢書志作編水水經在臨渝縣南與郭璞海邊山符矣漢志繫下有水南入海又有揭石水賓水皆南入官揭石水卽縣西急流河爲繩爲編者賓水乃飲馬河官水乃潮河七里海也 蒲泊在縣東南二十五里源出海眼夾蓮峯樵夫諸川而下惠民場東南入海 潮河在縣南二十五里源出仙頂後一支由達摩峯下張各莊而下入海一名馬家河 縣南五里爲飲馬河源自盧龍境現河由黑石里田各莊與溪江河合中流爲沙河下流合潮河 縣西門外爲急流河又名西沙河源永平府志

卷之四

三十五

自龍潭水巖至縣西南里許入飲馬河 溫泉自城西平地突出夏冬不變 兩河在縣西南八里其上各川歸爲兩而名其近二里爲泉河在興寧屯爲土橋河源由青溝營古蛤泊念坨又南二里爲繞灣河源自西北五十里茶茅山貫各莊由黃土營塾子里安山崔劉莊一名安山河溪江河在縣西十八里源出淨影池長峪石窟諸川梭頭河在縣西北三十里源自道者鳳凰諸川與溪江合而爲柳河合于兩河達虹橋合飲馬河 溟海在縣東南三十里瀦水成澤一日七里灘言其廣也沿三十里若淺

若溪有菱可漁嘗于黎明現城市樓臺狀甜水河北入之  
套里河源出龍山過靜安堡而下入樂亭 其潮期凡  
日旬上中下一寅申二卯酉三辰戌四巳亥五子午六丑  
未七如一八如二九如三十如四以期至乃縣之贅水所  
具山海至灤可知矣

灤州 州北四里爲橫山其半有寺前有石井旦則烟霧  
出焉首蟠于河巨石峙湍之折爲砥後乃鑿崖取徑達盧  
龍橫山後爲榆山宛如重屏出諸山上前二里爲紫金山  
以產赤石脂名亦名文筆山削峯危壁背橫面巖襟灤帶

永平府志

卷之四

三

沂一方奇觀也上有玉皇閣藥王廟東爲偏涼汀舊漕運  
泊舟處懸崖有徑正德間所鑿上有寺有樓

爲郡人高下  
尚書別墅

有關陡瞰灤江爲北郊保障前有溪潭魚鼈攸聚西北爲

抱花崖東北爲郭家莊後坐橫山營社臨灤潞絕壁有洞

如庭崖孔若月自石龕左折半里轉龕右而出冬煖夏涼

有石門名佛洞山舊志更名空瓏山 南五里曰巖山若

屏障狀如蹲虎曳尾昂頭亦如天馬或曰虎頭垂獅頭昂

此山蓋如獅云其東絕壁百仞有洞凡十有八大小溪淺

有可入不可入上三洞最大而溪在絕壁非梯雲步空不

能入下有金大定間石橋一郡水口也其石多紅西麓爲  
蠶箔峪又西二里爲卸甲峪送甲峪耕者常拾鐵甲焉又  
爲杜家山又三里爲馬鞍山許家山張目山又西南七里  
爲胡家山柴家山林家山爲芹菜山遠進士馮唐卿于山  
前臨塘結廬種芹自給故名又南二里山下蓮池十畝大  
沂河源出焉又三里爲法寶山爲媳婦山唐時有婦李氏  
隨姑拾柴於此遇雨雹以身翼姑而死因名焉又爲磨笄  
山爲小擺頭山又三里爲小峯爲披甲山又東三里爲木  
蘭坨又三里爲雙鴈坨折而西十里爲長沙坨又南五里  
永平府志

卷之四

三

爲古坨又十里爲望馬坨龍堂坨清水河出焉又二十里  
爲三角坨又曰謊糧坨又西南爲土坨西二十里爲王塚  
坨周家坨白沙坨又南五里爲嶺頭坨又西南爲宋家山  
其家三世皆出牛種濟鄰里貧者又爲孫家坨劉家坨灰  
坨紀坨又南爲項家坨又西南二十里爲唐王坨嶺頭南  
十五里爲大沙坨其右爲草坨又西二十里爲兔兒坨南  
爲環坨嶺 西十五里曰雙山其下小沂入于大沂北爲  
拐頭山正德中駕幸其巔下爲小龍南爲五子洞一名墓  
子有四壠五峯其巔有石塚龍溪源出而伏徙出昔人投

糠驗之良然又爲饅頭山雙山西北七里爲佛任山又西八里爲賈家山劉家山又南十里爲土山土山山西五里有洞山溪黝莫測大雨迅驟能容數里湍名曰吞流山受虛洞或言洞與道平長數十里直抵遷安者妄也洞北五里爲尖山尖山西七里爲巍峯山如展屏有寺爲毛家山二峯對峙毛家南十里爲萬石山多靈跡其南麓有鮮卑元帥墓又東南二十里爲麥家坨又西二十里爲光水坨常家坨茨榆坨又西十里爲唐子坨又西南十里爲馮家坨爲沙塘坨萬石山西北十五里爲亭子山石可碾礮確磴永平府志

卷之四

三

鳳北爲佛座山佛座西爲大厓山圍山之西南爲大風山其巔有洞內鐵梯三折而入百步水如河流深六尺潛通陡河風波不停淵黑莫測有時夜見紫氣燭天達旦如虹居人疑爲寶物其年無秋則颶害稼洞口湮者數年萬曆戊子春自開小孔山前二秀才舉俗以爲其應洞南有頑鐵如牛半入土愈掘愈深太深則風沙頓起南五里爲樹兒嶺又南十五里爲駱駝嶺又南三十里爲賈家山賈家西爲唐山孤高秀麗上有姜將軍廟詳見祀典有煖泉數十唐山南十里爲長春坨楊家坨大夫坨大河繞之唐山西北

永平府志

卷之四

三

三十五里爲西沙坨 州西北十里爲阜突山其南爲馬鞍山又西三里爲石門山又西三里爲廟山其南三里爲止馬山又西北爲老城山其西連錄子山又西北八里爲烽火山小沂之源出焉其巔有寺下有公孫神康墓又西南五里爲三全院山又西二十里爲宜安峪群峰萃聳又西十里爲趙官營又二里爲分水嶺其頂平分其岬三分焉爲盧龍遷安界其山曰清涼人跡罕至翠微萬疊中有黃土山院寺形如圍屏泉帶廊厨清泚可愛嶺北爲抽分峪又西北十里爲成山爲城子山爲白塔山又西五里爲

司家山有臨水院寺又西北五里爲偏山逶迤叢茂土厚  
居蕃多巨室山南五里曰下五嶺北五里曰上五嶺又北  
三里爲荆山又北三里爲小白峪折腰峪又北連橫山峪  
泉子峪諸峰環聳午乃見日有龍泉寺及瀑布又北爲梯  
子羅家二嶺中夾繩索峪又北連銅盆峪爲遷安界羅家  
嶺南三里爲天渠有槽有甕有盆注于槽入于甕滴于盆  
槽有南北午前南午後北其陽下曰阜筭灣西南山下爲  
小龍灣荆山南三里爲桃山又三里爲羅山桃山西爲一  
斗泉荆山西爲王家嶺有洞中有石刻篆不可識南連苦  
杏山又東南八里爲孝家嶺

永平府志

卷之四

旱

川之大者灤

見盧龍志

州南二十里曰清河源自五子山東

五里鬻爲八里河經料馬臺至丘官營而伏又東南二里

經閻家莊而泝出一在南關頭亂泉突起一在龍堂橋可

鑑爲清水河西南五里經破橋又六里經三岔口卽成子

莊在州西十八里會沂河沂河源出盧龍馬家莊經栗園

折而南經三岔院折而西至佛住山小沂河在州西十二

里合之源自烽火山東港經拐頭山過雙山又六里入大



沂河南至楊家院合董家灣在州西南三十里又東南經  
芹萊山波落橋又南合蓮臺港其源西灤漫漶而入清河  
折而西南下沙溝六里至澤頭又西古幢河在州城南四  
十里源自僉城南經石橋而入又南經歇家橋高家莊而  
合大田泊泊在獨莫城南枯旱不竭衆潦既會其流浩汗  
南十里達公安橋又十八里經石角坨又東五里至馬頭  
營又南二十里達綠洋入海 州南五十里爲陷河源自  
僉城北于家泊至泊扈港一名韓家泊會破風港于僉城  
西其北十里爲龍堂河源自李家莊有七里港又北十里  
永平府志

卷之四

聖

有吳家河源自清河並經豐腴屯入僉城而會有繩家河  
源自榆子林社游觀莊亦會于屯西南下經曲王店孫家  
坨至于王塚港瀾漫于白沙坨南又經胡家莊至印步甸  
別爲周家河又西梁魚溝南經天井達蠶叢口入于海漕  
河之故道也 州西南八十里爲靳家河一名小青龍源  
自游觀莊五十里西經司一司二社又南二十里至黃坨  
河又二十里經栢家莊寬頭河散流于潮河潮河在州南  
百二十里海水蕩滄流延百餘里乃黑洋海口東派北連  
曾家灣源自狗兒莊社鴻鴨林港迅流至濟民塲達潮河

東距蠶叢口二十里名林裏河交流河漁人張網者皆聚而避風焉蓋斬之亦爲繩繩之亦爲陷陷之亦爲青也或歸異而同出游觀莊或出異而同歸豐腴屯有疏有室一東一西乃灤溢入青青溢入陷陷溢入潮而爲汜爲坨爲滎爲孟矣 其爲經流者州西百二十里曰陡河源自遷安縣館山南至羅家嶺小龍阜第二灣經梯子嶺至偏山臨水院又合黃花港而會唐家河在榛子鎮西狼窩舖東經冷家灣而南黃崖河源自鎮東五里橋合陳官營煖泉而東並紅頂寺會于牯牛橋河西五里西至雙橋河在州永平府志

卷之四

星

西八十五里復會豐潤板橋水自松梁社圍山瀑布入泉河又三十五里源任家莊爲白寺口雙溝入之南經峰山入陡河其源于水谷過孩兒屯官套至石城東五里爲帥家河盤石城西爲石溜河又南經唐山橋爲大河又東十里至套里莊渟澗靚碧爲獅子灣南經聶家莊王盼莊又西南合金溝馬家港康家莊經大夫地而入官渠曰小河又王家河在州西七十里源自曹家口社南經鄭家莊水灣寺將軍坨至豐潤胥家莊漫入白場總達建河入于海水之以灣名者州北二里曰翟家灣西十五里曰小龍

灣在小龍山下南二十五里曰老龍灣三十里曰沙角灣  
五十五里曰龍落灣自大港流出八十里曰劉家灣西南  
三里曰泉水灣出馮家坎下冬夏不竭後爲流沙所壅八  
里曰七姐灣西七十里曰杏樹灣皆瀦而不流 其以港  
名者曰破風港在州南四十里連韓家泊曰大港在花港  
社曰任家港在州西南司家莊曰于家港在松梁莊曰聶  
家港曰齊家港並在康家莊社曰七里港在李家莊曰黃  
花港在州西北八十里曰麻灣在州南九十里獨莫城一  
里曰唐王港在州西南百里所產茅蒲鳧鴨菱藕之屬鱗  
永平府志

卷之四

三

介不計也齊家李家資畜牧 蓮池一在州西三里金泉  
亭下廣三畝引金泉注之有斷碑存焉一在州西南芹菜  
山下廣十畝一在州西南唐山之陽廣七畝一在州東南  
于寧社薛家莊廣二畝一在州南崇本屯青河西廣三畝  
一在州西南姚家莊社魯家灣西廣五畝而金泉之流達  
于別故河 甘泉在州西北十五里傳爲秦太子扶蘓築  
長城飲于此又名扶蘓泉煖泉五一在州南八里龍溪一  
在州西八十里圍山下一在州西北九十里卽北甸河一  
在州西南百里龍灣過唐山入陡河一在唐山下傳爲姜

將軍斬蛟處俱沍寒不冰 長春淀在州西南百二十里

長春社 詳見古蹟

樂亭無山其水承灤下流東北三十里曰胡盧河西北三十里曰定流河夾縣而下胡盧河今淤惟定流河為經流至縣南四十里劉家墩入海往年海運天津糧至此易河船自灤達府其環縣曰賈家河董家河杜家河宋家河戴家河俱灤之支流也夏秋雨漲始通灣有二曰蕭家在縣西三里曰翟家在縣東北二里皆瀦而不流甘泉一在縣西七里松林莊一名孝子泉 以孝子劉文煥名 外左右二裔而為

永平府志

卷之四

四

灤為沟 縣東二十里沙城社河及豐登屯南去縣三十

五里高家莊又五里時登屯西南曰乾灤河西去縣十五

里白沙峯社有韭菜河通之皆乾河也 縣西二十里次

榆坨社曰清河又十里大家坨曰新寨河火燒佛社曰郎

河又西十五里吳家林社曰介馬河皆清河也坨三西南

三十里曰茅坨其在海中者曰石白坨 舊志作灤淤沙所

積也西曰月坨其形半之又西二十五里為曹北店海水

鹹苦店在海中泉獨甘冽漁舟曠炊焉海水青黑獨綠滄

溝澄綠拖十里而無巨之宛如長帶其中牡蠣房積如

灤河水色清碧入海五十里不涸若跨長橋漁人溪入取  
飲又有曹毋店在濟民場西南入海八十里有昔時居民  
碾磨猶存城中海閣朝暉尤麗以瞰島上章采錯繡而以  
爲祥雲島又有桑坵島李家島大抵樂亭雖無山而地勢  
原衍胎甲隱窳過卸委折二河夾送俯臨綠洋絕島隍洲  
平疇沃埜隣邑稱羨焉

州縣志例有八  
景十景今刪

山海衛山川形勝附載撫寧

永平府志卷之四終

永平府志

卷之四

五